



188. fundur Breiðafjarðarnefndar, haldinn 25. febrúar 2021, á Teams

Mætt: Erla Friðriksdóttir formaður, Guðríður Þorvarðardóttir, Ragnhildur Sigurðardóttir, Arnheiður Jónsdóttir, Róbert Arnar Stefánsson, Eyjólfur Bjarnason, Karl Kristjánsson og Magnús A. Sigurðsson.

Þorvaldur Þór Björnsson frá Náttúrufræðistofnun Íslands sat fundinn til kl. 11:15.

Fundarritari: Theódóra Matthíasdóttir (TM)

Formaður setti fund kl. 10:30.

Örnefnaskráningar á Breiðafirði

Breiðafjarðarnefnd gerði samkomulag við Náttúrufræðistofnun Íslands um örnefnaskráningar á Breiðafirði.

Nefndin fékk Þorvald til fundar til þess að fara yfir stöðu verksins. Þorvaldur þakkaði Breiðafjarðarnefnd fyrir þann stuðning sem nefndin hefur veitt.

Þorvaldur hefur þann háttinn á að skrá örnefnin inn í gagnagrunn NÍ og skila skráningum sínum inn til Landmælinga Íslands.

Þorvaldur hefur skilað inn 160 leiðréttingum á gagnagrunni Landmælinga Íslands fyrir Breiðafjörð. Árið 2019 nýttist að mestu í undirbúningsvinnu en þó náði hann að skila inn 314 örnefnum. En árið 2018 hafði hann þegar skilað inn 1194 örnefnum sem hann hafði safnað saman á mörgum árum. Þegar hann hafði skilað inn skráningum sínum fyrir árið 2020 hafði hann skilað inn 3666 örnefnum á Breiðafirði.

Þorvaldur telur að enn eigi eftir að skrá um það bil 1500 örnefni á eyjum, skerjum og flæðiskerjum á Breiðafirði.

Afgreiðsla:

Breiðafjarðarnefnd þakkar Þorvaldi þetta frumkvæði og þrekvirki í skráningum sem hann hefur unnið á Breiðafirði. Um er að ræða verðmæt gögn til framtíðar.

Fundargerð 186. fundar

Afgreiðsla:

Fundargerð lesin upp og samþykkt.

Fundargerð 187. fundar

Afgreiðsla:

Fundargerð lesin upp og samþykkt.

Erindi frá Vesturbyggð: óskað eftir umsögn um aðalskipulag

Afgreiðsla:

Breiðafjarðarnefnd bendir á að í kafla 1.5.3 um ref og mink getur orðalagið misskilist en einungis rottum hefur verið útrýmt í eyjum á Breiðafirði.

Í aðalskipulaginu mætti skilgreina betur yfir hvað verndarsvæði Breiðafjarðar nær skv. lögum nr. 54/1995 um vernd Breiðafjarðar. Um er að ræða allar eyjar, hólma og sker á Breiðafirði ásamt fjörum á innri hluta fjarðarins sem markast af línu dreginni frá Ytranesi á Barðaströnd við fjörðinn norðanverðan í Hagadrápssker um Oddbjarnarnsker, Stagley og Höskuldsey í Vallabjarg að sunnanverðu.

Breiðafjarðarnefnd bendir á að í tillögunni er ekki fjallað sérstaklega um þann hluta verndarsvæðis Breiðafjarðar sem tilheyrir sveitarfélaginu Vesturbyggð heldur er aðeins fjallað um verndarsvæðið í heild sinni.

Landvarsla á Breiðafirði

Lögð fram lokaskýrsla og -úttekt Umhverfisstofnunar vegna landvörslu á Breiðafirði 2020. Í stuttu máli er niðurstaða verkefnisins sú að tilefni sé til að halda landvörslu við fjörðinn áfram, sér í lagi í Flatey. Þó skal undirstrikað að sumarið 2020 var síður en svo dæmigert.

Afgreiðsla:

Breiðafjarðarnefnd þakkar Umhverfisstofnun fyrir skýrsluna.

Breiðafjarðarnefnd fagnar því að fjármagn hafi verið sett í verkefnið síðastliðin tvö ár og telur reynsluna sýna að full þörf hafi verið á. Breiðafjarðarnefnd hvetur umhverfis- og auðlindaráðherra til þess að festa fjárveitingar til landvörslu við Breiðafjörð í sessi til framtíðar og að ákvörðun um slíkt liggi fyrir með góðum fyrirvara, til að auðvelda undirbúning og útfærslu verkefnisins og skila enn árangursríkari landvörslu. Ritara falið að senda erindi til umhverfis- og auðlindaráðuneytis vegna þessa.

Framtíð Breiðafjarðar

Afgreiðsla:

Lokasamantekt og niðurstöðum nefndarinnar vegna framtíðar Breiðafjarðar var skilað til umhverfis- og auðlindaráðherra þann 19. janúar 2021. Breiðafjarðarnefnd fundaði í kjölfarið með ráðherra þann 22. janúar. Skýrslan var einnig birt á heimasíðu Breiðafjarðarnefndar.

Fjármál Breiðafjarðarnefndar

Áætlun fyrir 2021 lögð fram.

Afgreiðsla:

Áætlun samþykkt og þjónustubeiðni fyrir janúarmánuð til Náttúrustofu Vesturlands vegna „Framtíðar Breiðafjarðar“ samþykkt.



Önnur mál.

Svæðisgarðurinn Snæfellsnes hefur fengið fjármagn frá umhverfis- og auðlindaráðuneyti til þess að skoða kosti og galla þess að Snæfellsnes verði þátttakandi í Man and the Biosphere verkefni UNESCO.

Fyrirhugaður er opinn rafrænn íbúafundur um stjórnunar- og verndaráætlun fyrir Þjóðgarðinn Snæfellsjökul þann 24. febrúar 2021 í gegnum Teams.

Fundi slitið kl. 12:05